



Ein Sendschrieff Martin Luther von Schantzheim und
furcht der Schulzen

Sendschrieff Martin Luther und Jörges Bergeren zu
Santzen

Sendschrieff Martin Luther an den König zu En-
gelland und des Königs antwort darauf

König Ferdinand Sendschrieff an den Bischoff zu Pfa-
lar was es dem Herrn in Hungern eingangen

Zwei Episteln Joh. apt. vordruckt dem Nicolaum
Krimpach pfarrer zu Jernsperg

Gartmündts von Creutzberg zweier Sendschrieff ein an
den Kays. und ein an Francisch von Sacking

Zwei Sendschrieff Griechisch und Lateinisch von Martino
und seinen vorerwähnten Weibe mit ein geschriben seyn
fortigt

Den geschriben von

Ughis offentlichet Sendschrieff an den Marquisten Grafen
furcht zu Bran: Martin Luther

Schreibrieff der Armen der Pfaffen in Engelland
wider die ruffen bittler an den König geschriben

Ein Sendschrieff von dem ang. Christen vordruckt von
Paff warumb der türk. vber Hungern abgelegen sey
auf gotlicher Pflicht verantwortung des Herrn

Ein Pflicht an die Bedenken der gemein und den
wetz zu Alchimisch

Georgs-B.

Harthmunds von Kumburg persönlich Kumburgern vor dem
Kaiserlichen Regiment zu Nürnberg das wort Gottes
betrifft

Ein Briefbrief an Pabst Adrian auf Verweisung des von
tunten Bekleidungs

Ein Briefbrief Martin. Luth: an die drei Fürstlichen
so von Evangelion willens aufen freyen Zunge zu
Koburg vertrieben sein

Ein Briefbrief von dem besten geistlichen zu dem weltlichen
Gern vertritt und ein antwort darauf

Ein Supplicatio und Spruch an Carolus den Königlich
Kaiser

Ein Briefbrief eines Cardinals barfusser, an den Land-
graffen zu Hessen. und an einen J. P. rathschreiber
ein antwort darauf

Ein Christlich Schreiben des Landgraffen von Hessen an
den Cardinal zu Marburg

Von der Weidgerauff der Zwerger pfarrherrn Mart: Luth:

Ein antwort Catharinus Formings off Mart: Luthers
mit brief Wolff Formings dem man Bekleidungs

Ein und Erasmij verordnung, under die so sich verhalten freyheit
nischen ———— *Ne* das was uns die Schrift abwirft

Ein brief an den Cardinal zu Ulm Mart: Luth:


Ein Briefbrief Franck von Sickingen an seinen Schwager

Ein verordn Marimus Luth dem glauben sein wort
gottes nicht zu verwerfen, was der glaub ist 7c. dem
verbanen ergrimm



leybs vnd
Gottes lob/
ren glaw
rags nach

nutt von
enberg.





Ach dem Christus /

Johannis am Sechsten / bey
Fünff Tausent menschen mit Fünff
gerstinen brotten / vnd zwoyen visch
en reylich vnd wol gespeysset hette /
kamen sy darnach gen Capernaum
vnd suchten in / aber jr hertz stundt
mit recht gegen Christo / sy lieffen in
nach vmb des materlichem brodes

willen / das sy den bauch ersettigten. Aber Christus der zu vnns
kommen war / vil grösser güter / dann zeitliche zugeben / Nemlich
als der recht frömmacher vnd seligmacher / zoch das einfeltig
groß volck von der leyblichen zergenglichen speyß auff die rechte
speyß / do durch wir ins ewig leben werden gespeysset / vnd ewig-
lich vnderhalten / vñ sprach / Wirkend mit die speyß / die vergeet
sonder die so ins ewig leben bleibt. Da fragten sy in / Was söle
len wir thun das wir die werck gottes thun / Der herr antwort.
Das ist das werck gottes / das jr in den glaubet / den er (der vater)
gesandt hat.

Wer dise frag / sampt irer antwort recht versteet / mag darnach
den gantzen handel / vom glauben vnd güten wercken leydelich
verstehen / daran warlich vil gelegen ist / diemeyl man die wörter
glaub vnd güte werck lange zeit mißbraucht vnd auff ander ding
gezogen hat / dann die schrift mög erleyden.

Die frag will entlich so vil / als hetten sy gsagt / Was sollen wir
thun / das es güte werck seyen dadurch wir vor got mögen frömm
werden vnd besteen? Sy wollen wissen / was die güten werck seye
Vnd Christus antwort inen vnd sagt inen allain von einem güten
werck / nemlich vom glauben in Christum / Das ist ein wunderbar
liche antwort / Sy fragen von wercken / vnd wolten güte wercke
thun / so antwort Christ ns vñ glaubē / vñ sind doch glaub vñ güte
werck zwey vnderschiedliche ding / da ains rechter ordnüg vor dē an
dern hergeet. Vns bedunckt / Christus solte die zehen gepott er
zelet haben / als vatter vnd mütter eeren / nit stelen / sondern dem
nechsten helfen vnd geben / nit tödten / sonder beschützen vnd
beschirmen des nechsten leib vnd güte / Nit falsch zeugnis geben

sondern
sonder
ten / V
den dū
selbs in
dero ke
den sell
vnd re
den er
keit die
der Ch
soll / D
der gü
kein be
stus ha
lich als
ben in
laub al
sey vnd
der gla
hen gel
nit aig
Dar
glaub
dann v
Gotte
Glaub
die alte
allain t
selzam
in Chr
will / v
lich m
brauch
haben
künde

sondern dem nechsten zur gerechtigkeit helffen/ **Die Leblichen/**
sonder dem nechsten die eer seines haufs helffen retten vnd erhal-
ten/ **Die frembds guts** begeren/ sonder bereit seyn/ das sein auch
den dürfftigen mit zuteylen. Das seind ye gütte werck dye Got
selbs im geseze gebotten hatt/ Wie gehet es aber zü das Christus
dero keins an dem ort gedencft/ vnd allain vom glauben redt vnd
den selben ein gut werck heist. **Nu** hat gewislich Christus wol
vnd recht geantwort auff jr frag/ vnd den rechten grund geriert
denn er ist die warheit vnd der recht leermayster/ der vns zur selig-
keit dierechten gründlichen warheit leret auß des vatters willen
der Christum gesandt hat als den rechten mayster den man hören
soll. **Derhalb** müß dise antwort on allen zweyffel/ auff dise frage
der gütten werck halb/ ganz eigentlich vnd gründlich dienen/ dz
kein bessere antwort hatt mügen geben werden/ dann wie Chri-
stus hat geantwort/ vom glauben in sich/ **Derhalb** müß es groys-
lich also zügeen/ das alle gütte werck gleich etlicher weys in glau-
ben in Christum seyen verschlossen/ oder begriffen/ also das der ge-
laub aller gütten werck haupt werck mayster/ vnnnd vrsprung
sey vnd kein gutt werck on disen glauben müg beschehen/ dz gleich
der glaubig in seinem glauben habe/ oder vberkome/ was dye Ze-
hen gebot fordern/ **Sonst** were dise antwort/ der obgemeltē frage
nit eigentlich zugehörig.

Darumb müssen wir ain wenig vom glauben reden/ Was der
glaub eigentlich sey in der schrift/ was er vermüg vnd wircke/ als
dann verstee man warumb Christus hie den glauben eyn wercke
Gottes habe genennet/ vnd warumb sant Paul so offte sagt/ **Der**
Glaub mache den sündler from on die werck des gesez/ **Vnnnd** wie
die alten Bischoff vorzeiten gepredigt haben/ vnd geschriben/ dz
allain der **Glaub** in Christum from vnd selig mache/ **Es** laut wol
selzam in den oren der welt/ wenn man sagt/ das der einig glaube
in Christum from mache/ **Aber** wer hie verstehet/ was Christus
will/ vnd was Sant Pauls vom glauben schreybt/ der wirt leicht-
lich mercken/ das es also ist im grunde/ wie wir reden/ **Allain** müß-
brauch vnd mißuerstandt der wörter **Glaub** vnnnd **gütte** **Werck**/
haben hierinn die leut yrr gemacht/ das sy sich miendert haben
künden darein schicken/ wie man verstee/ der **Glaub** mache from

die weyl so vil gütter werck gepotten seind im der schrift / Dann
es wil der ainseitig ymmerdar wenen / man wölle den gütten wer-
cken zü nach sein / vnd sy verklainen vnd in verachtung bringen /
das were nit recht / vnd nyemandts soll gedencken / das wir der
mainung seyen / oder ye seyen gewesen / Das ist aber vnser arbaye
das wir gern leereten / die rechten natürlichen ordnung des glau-
bens vnd der werck / damit yederman wyfste / welches vor / wel-
ches nach gieng / vnd keins in daz ander vermischet vnd vermengt
wurd. Dan wo man hierin d' rechtē ordnung versälet / so verleurt
man glauben vñ gute werck / vñ bleibt nichts an die statt / dan ein
kalter won vnd eyttel gleyßnerey / der got feinde ist / So muß man
nun zum erst mercken / das wir vom glauben wöllen reden / nit wie
die vernunfft nach irer klügheit redt auß der philosophi / dann
wann man göeliche sachen amderst dann mit göetlichem wortte
handelt vnd allein nach menschlichem verstande von hymlichē
dingen redt / so ifts kein wunder das man yrrt vnd anderst redet /
denn in an im selbs ist. Also haben etlich gesagt vom Glauben
Der glaub sey / wann ein mensch die artickel vnser glausens waifst
vñ glaubt also hin nach dem büchstaben wie ain ander geschycht
got habe hymel vnd erd erschaffen / Christus Gottes son hab ge-
litten gestorben vnd wider auffgestanden / werde am Jungstē tag
komen richten die lebendigen vnd die todten / vnd was diser artickel
mehe seind in der schrift. Darnach sagen sie / diser glaub müge
wol on liebe vnd gütte werck sein. Das ist aber nicht der recht
Christlich glaub daon wir reden / Man muß ja dise artickel glau-
ben / es gehört aber noch mehe darzū / der teuffel glaubet auch das
es war sey was die schrift von Got redt / das ein got sey / vnd er
hab hymel vnd erd erschaffen / vnd desgleichen / Er wirdt aber
darumb nit from vnd selig / Dann es ist noch nit der recht Glaub /
den wir täglich predigen / Es ist allein ein erkantnis der leer von
got / die auch einheid kan fassen / gedencken vnd reden / so er allein
die sprach versteet / noch ist aber kein grund da im hertzen.

Daher kompt nun der welt yrrthumb vom glauben / Es gehet
einer an die predig vnd höiet sagen / Wie got habe die welt erschaf-
fen / er sey allmechtig / er habe vns zü gut sein son Christum in die
welt gesandt / daz er vnser sünd auffsi ch neme vnd büßere / vñ vns

also fro
ser verd
Christe
spricht
wol / da
en / vnd
annem
stum / s
me vñ
auch se
Tu
fast / ka
alt / an
schellic
O mein
sten / es
Nex ge
der pred
geen / E
er thüte
Darum
from / d
nocht b
from / d
gelische
from so
die Tür
vñ der n
sy die an
em gros
lernen /
Aber
Paulus
den ist n
befrom
gewaltig

also from vnd selig machte/vnd hat das gethon auß liebe/on vn-
ser verdienst. Der nun dise vnd der gleichen predige höret vom
Christo vn seinem leyden/sterben/aufferstehen. Der geet hin vn
spricht/ Nun ich hab dise predig wol vernommen/ verstehe nun
wol/das Christus in die welt ist kommen/die sünd selig zūmach
en/vnd got will vns gnedig seyn/sünd verzeyhen vnd zū kindern
annemen in das ewig leben vn seins geliebten sons willen Chri-
stum/so wir in jn glauben. Wann ich nun glaub/so wird ich frö-
me vnd selig/die sach steet wol/ich wills auch glauben/das ich
auch selig werde.

Nu diser zūhöer geet hin vnd hat die artickel des glaubens ge-
faßt/kan sy erzeien/vnd dauon reden/aber daneben bleibt er/der
alt Hans/geyzig/hoffertig/vnkeüsch/neydig/seinem nechsten
schendlich/vnd ist gleich wie er vor was. So spricht sein nachpaur
O mein Hans du bist nit Euangelisch/du hast kein lieb zum nech-
sten/es ist nudz maul vmb dich/man sicht kein güit werck von dir
Nes gedencet jm Hans/ Nun hab ich ye dan glauben/wie ich ann
der predig gehört hab/aber es will noch niendert mit mir vß stat
geen. Ey es soll wol nichts sein/was man vom glauben prediget/
er thüts ye allain nit/es muß auch liebe vnd güite werck da seyn/
Darumb ist es freylich nit war/wenn man sagt/der glaub mache
from/das empfind ich an mir selbs/deñ wie wol ich glaub/den-
nocht bin ich ye nit from/Machte d glaub from/so were ich auch
from/dennich. Glaub auch. Etlich wenn man jnen vom Euan-
gelischen glauben saget/Man muß den glauben haben der mache
from/so zürnen sye vnd sagend// Gang hin in die Türckey vnd leer
die Türckeden glauben/Wir haben den glauben in der kindeshey
vß der müter gelernet. Die leut wenen/das sey der glaub/Wan
sy die artickel an fingern künden zelen/Also giengs mir nitt eyn-
em grossen Bischoff/ Der hielte es für ain ringe sache/den glaub
lernen/dyeweil es die kinder lerneten/so bald sy nu reden künden.

Aber/lieben Christen/es ist alles noch nit der recht grund dauß
Paulus redt. Wen er schreibt/der glaub mache from/From wer-
den ist nit ein rings ding/es gehört vil darzū/Macht nur der glaub
bes from/wie die schrift sagt/so muß yeder Glaub gar eyn ander
gewaltiger ernstlicher dinng sein/dann die welt mainet/vnd dye

glaublos vernunfft wänet / Darumb wöllen wir hören / was dye
schriffte vom Glauben sagt / die treugt ons nit / wie das blind na-
türlich liecht thüt.

Genesis 15. spricht got zum Erzuatter Abraham. Abraham
fürcht dir nit / ich bin dein beschützer vnd dein vast grosser lon / vñ
verhieß in merung seins somens / wie die sternen am himel. Hye
spricht Mose / Abraham glaubt an Gott vñnd es ist jm zur from-
keyt gerechnet.

Disen herrlichen text / nimpt sant Pauls für sich / do er des glau-
bens art vnd die wercke handelt Rom. 4. Vnd redt so grundelich
vom glauben des Erzuatters / das ein yeder mensch bald auß dye-
sem ainigen exempel / mercke was der Glaub sey / vnd wie er from
mache / vnd Gottes werck sey.

Abraham höret das jm got ain somen verhieß von seiner allten
hauffrawen Sara / er höret / das in Got zü einem vater viler völ-
cker wolt machen / vnd wolt sein vnd seins somens Got sein / Hye
het Abraham das wort Gottes / dem glaubet er vestiglich / vnd
wie wol er vnd sein hauffraw alt waren / ließ er sich das selb nicht
yren / vñnd hielt gewiß in seinem hertzen / das er ein somen wurde
haben / dann der jm solchs het verhaiffen / der sey mächtig gnüg /
alles das zü laiften / das er verheißt / also gab er Got die eer / hielt
in für trew mechtig vnd warhafftig / er zweiffelt nit / wie jm Got
züsagt / es wurde gewißlich allso geschhehen Rom. 4. Er hielte
Got für sein trewen Got / für sein lieben vatter / beschyrmer vñnd
hord / vnd do er schon versücht ward / als müfste er sein son tödten
vñnd zoch hin vñnd wider wie ein bilger / der kain aigne bleibliche
statt hette / dennoch versach er sich alle zeit / alles güts zü gott vñ
zweiffelt nit an der götlichen züsagung / das sein hertz recht stund
zü got vñ also gesimnt war / Got hat mir gnad vñ hilff zügesagt /
er wölle mich nit verlassen / des willich mich zü jm allweg gantz
versehen / es gange wie es wölle / so ist doch mein Got allmächtig
vnd hatt mich in seiner hütt / mein sach steet wol vnd sicher. Das
aber des Abrahams hertz in ernstlicher warer züuersicht zü Gott
gestanden sey / erkennt man an seinen wercken / dann er zoch hyn
Gene. 22. wolt auffss wort des herrn / sein lieben sonn Isaac opf-
fern / dabey man wol mercket / was in seinem hertzen für ein brin-

nender e
Tun
mit seine
von rede
el die er
dann da
lain Got
ernst we
sein son
Est ha
vnd gro
den selb
recht zü
villeicht

Sich
wancke
anernst
verlassen

Aber
wort G
Gottes
ge Got
das mi
erd kain
verließ
allen nö
auff der
der selb
frome a
Isaac /
oder ve
tes wor
dann es
lichen g
Wie
ments

nender ernst sey gewesen zu glauben dem wort Gottes.

Nun höri/ frommer Christ/ wann Abraham/ das wort Gottes mit seinem mund seyn hett künden her zelen/ vnd schön ding davon reden/ als wann einer von einer Predig kan sagen alle articke die er gehört hat/ so were es noch kein rechter Glaub gewesen/ dann das hertz were noch nye im grund berürt worden/ er het als kein Gottes wort gefasset mit kalten gedancken/ vnd weiß an ernst wer gangen/ so hette er geschwancket/ Als do in Gott hieß sein son opffern/ do hette er gedacht/ Was ist das für ein dinnge/ Erst hatt er mir verheysen/ ich solle ein vatter viler vöcker seyn/ vnd grosse ding zügesagt in meinem somen/ yetz heist er mich eben den selben son tödten/ darinn ich verhofft vil volcks/ es geet nicht recht zü/ ich hab ein son/ den will ich behalten/ käme ich vmb den villicht wurde mir kein anderer.

Sich/ fromer Christ/ das were kein rechter glaub/ sonder ayn wanckender won/ der die sach nicht thar wagen auff got/ wenns an ernst geet/ so zaufft er hinder sich vnd thar sich nicht auff Got verlassen.

Aber der from Abraham/ was ein ander man/ Er hanget am wort Gottes mit sollichem ernst vnd vertrauen/ das er sich auff Gottes wort frölich verließ vnd zweyffelt nit/ er hette eingnedigē Got/ der were warhafft vnd allmechtig/ darumb was er redt das müste geschehen/ Da künden alle creatur in himel vnd auff erd kein hindernus an thon/ auff den selbigen Gott begabe vnd verließ sich Abraham mit grundlicher lebendiger züuersicht/ in allen nöthen des leibs vnd der seelen/ sein hertz hofft vnd wartet auff den somen darynnen alle vöcker solten gebenedeit werden/ der selb was Abrahams züuersicht vnd hord/ das theten auch alle frome alten Christen/ wie es sant Pauls heb. 11. erzelet/ Noah/ Isaac/ Jacob/ Joseph vnd dergleich/ wann Got redet/ er dreuete oder verhiesse/ so lieffen sy es inen ein ernst sein vnd glaubten gottes wort on wancken/ darumb seindt sy from vnd selig worden/ dann es ist vnmüglich das yemants Got dem herren on eyn sollichen glauben müge gefallen heb. 11.

Wie nun Abraham vnd die andern heiligen des allein Testaments jr vertrauen zü got durch den züversagen Christum got

was bye
blind na

Abraham
r lon/ vñ
el. Hye
ur from

es glau
ndelich
aus dy
er from

er allen
iler vö
in/ Hye
ich/ vnd
elb nicht

n wurde
gnüg/
er/ hielt
im Got

Er hielte
er vnd
tödten

leibliche
gott vñ
ht stund
gesagt/
g gannz

nächtiger.
er. Das
zü Gott
och hyn
saac opf
in brin

tes son /im heiligen geist/ vest gehabt habenn / Also haben die ynn
newen Testament jr züuersicht in got gehabt durch Christum / &
schon in erfüllung der zeit gesandt ist / als die heiligen Apostel vñ
alle die dem Euangelio Ihesu Christi haben geglaubt / Disen ge-
lauben mügen die falschen Christen vonn aussen wol gleyssender
weyß anzeigen / als wann sy in Christum glaubten / aber der selb
erdicht Glaub besteet nit an der prob / dann wann der Glaub be-
weret wirdt inn der anfechtung / wie gold im sewor / so erfindt sich
gar bald / welchs ein rechter vñnd welches ain falscher glaub ist.
Wir reden vom rechten glauben in Christum der ein werck gotes
ist / den muß man also bewerer / Nym für dich ein Gleyssner / der
sich des Christlichen glaubens hoch berüme vñnd spreche / Wye?
solt ich das für gehalten sein / das ich nit recht glaubte / ich hab den
glauben gewißt von kindtheit her / / Nun ich setz / das sewor der be-
werung neben dem selben glauben / Er spricht mit mund / er glau-
be in got vatter allmechtigen Got / schöpffer hymels vñnd der er-
den / vñnd in Jesum Christum der für vns gelitten hat das er vnns
von sünden erlöste / vñnd er glaube ablaß der sünd vñnd das ewig
leben / Also redt des Gleyssners mund / vñnd alle welt maint / es sey
sein ernst / vñnd er selbs went auch sein glaub sey recht / Aber merck
frommer Christ / die wort oder artickel die er redt / die seindt frey-
lich war vñnd gerecht / aber lüg wie es vmb sein hertz stande / Es
kompt ein thewre ins land / das mangel wirt an der narung / Dy-
ser gleyssner erschrickt seer vbel / fürcht er müß erhungern / aber er
geet hin / schleißt sein kornhaus zü / gibe niemandt nichts / behalt
alles sein selbs / Item wann jm will am güte zerrinnen / so lüget er
wie er güte vberkomme / es gescheche durch güte oder böse mittel
er betreugt sein nechsten vñnd handelt wider gott / vñnd ehe er ayn
pfenning verlore / ehe erzürnete er Got sehen mal. Nu frag ich
Gleyssner / wo ist yetz dein glaub? Du hast wol künden dauon redē
aber es ist dir nie ernst gewesen / Der Gleyssner spricht / Trawe ich
habe ye ein glauben vñnd bin ein Christ / Ach meiner / ayn sollichen
Christen kan man wol an ein wand malē / sag an / Wo glaubstu in
got als in dein allmechtigē vatter? Zieltestu got in deinem hertze
in der warheit / für allmechtig / vñnd glaubtest / das er dein lieber ge-
trewer vatter were / warlich so hettest du kein solch mistrawen zü
jm /

jm / wo
kein ko
hunge
ist allin
möcht
vätter
gel litt
wirt de
doch m
wil auc
en sünd
Christu
son mit
gnad d
sterck /
er mich
gen lebe
versage
das dein
sich het
du verla
gewalt
du fürch
So ifts
vñ für s
sehen / d
jar mit k
Wey
vñnd der
dampft
nimpt j
Werck
nad ver
ertrinne
facht er
werckfr

im/wie du yetz hast/du wurddest im vertrauen/vnd wann schon
kein korn auff erden were/noch würde er dich mit verlassen/vnnd
hungers sterben lassen/dan dein hertz wurde also gedencken/got
ist allmechtig er kan mich wol speysen/er ist auch mein vater/wie
möcht ein vatter sein kind verlassen? Tu haben doch die yridische
vätter solche hertzliche trew zu jren kindern/das sy ehe selbs man-
gel litten/ee sy jre liebe kindlin lieffen erhungern/Wie vil weniger
wirt den der recht himlisch vatter seine kinder verlassen/geet jme
doch nichts abe/Er kan wol helfen/die weiler allmechtig ist/er
wil auch gern helfen/den er ist mein vatter/hat er doch mir arm
en sündler solchetrew erzaigt/das er seinen eingebornē son Jesum
Christum für mich hat leiden lassen vn̄ sterben vn̄ hatt den selben
son mit alle seinen gütern mir zu eigen geben/darın ich sol haben
gnad des vatters/ewig beständige fromkeit/Warheit/Weisheit
sterck/trost/freyheit/ Frid/freud/erlösung vn̄ das ewig leben/Wil
er mich ewiglich seligmachen/das ich ein kind vn̄ erb sey des ewi-
gen lebens mit leib vn̄ seel/Wie wurd er dan mir zeitliche narung
versagen auff ein jar? Vm gang in dich selbs/gleyßner so synstu
das dein hertz kein rechts vertrauen nye in gott gehabt hatt/das
sich hett auff gottes barmhertzigkeit/vnnd macht verlassen/Ja
du verlassest dich auff dein gelt vnnd korn kasten/auff freund vn̄
gewalt/Wolan wann du dan got mit mehe vertrauest/dann das
du fürchtest er künde vnd wölle dir dein bauch zeitlich mit erneeren/
So ist offenbar/das dein hertz/nie mit ernst gott für allmechtig
vn̄ für sein vatter erkennt hat. Wie wiltu dich dan zu gott ver-
sehen/das er leib vn̄ seel ewiglich erhalte/so du dich im auff ayn
jar mit kanst vertrauen?

Weytter sez ich/der gleyßner fall in krankheit vnd tods nott
vnd der teuffel sycht in an/der sünden halb/darın er billich ver-
dampt solt werden/Der gleyßner zyttert vn̄ will nu verzweyflen
nimpt im für/wo im got wider auff hulffe/so wölle er vil güter
werck thun/vn̄ also seine sünd büßen vn̄ gottes zorn gestillen/ge-
nad verdienen vn̄ dem grausamen vrtail der ewigen verdammnis
ertrinnen/Oder aber wan er güte werck im leben gethon hat/so
sachet er an im todtbett/dareyn vertrauen vnnd sich auff seynn
werck fromkeit verlassen/Wan dann der böß geyst zuschürt/wie

er dan zur selben zeit nit feyrt / so wirt eyntweders gewisse verzwei-
flung / oder ein falsch vnicher vertragen auff vnjere werck / das
man Chustum leste fallen. So frag yetz den heyligen Gleysner
Hör heyliger man / ich maynet du glaubtest alle articel vnnsers
Christlichen glaubens / Tu hastu ye all dein lebenlang all tag ge-
sagt / Ich glaub ablaß der sünd / Vnd yetz in der not / so glaubstu
nit ablaß der sünd / dann du wilt verzweyffeln in deinen sündē an
der barmherzigkait gottes / oder aber du vermissest dich mit eigne-
nen wercken sünd zu büßen / so bedarffest du keyner verzeichung /
wann du dir selbs kanst durch aigne macht von sünden helfen.

Also geets mein gleysner / es ist kein articel im glauben / daran
dein hertz ye mit grund vnd ernst gehanget sey / Derhalb sibest du
das dein Glaub nichts ist / dann ein ungeroyßer won von Gott /
dabey kein vertragen nye ist gewesen / Aber wir leren kein solchen
znüchtigen glauben / Wir leren ein glauben der in der nott besteet
wider alle port der hellen / der wider die welt vnd der welt Fürstā
den Sathan gesigt. 1 Jo. 5. Mathei 16. Das aber dester ley-
cher verstanden werde / was der Glaub sey / der ein Werck Gottes
ist / davon wir reden / merck wie sant Paulus habe geglaubt / da-
bey sichst du wie wir auch müssen glauben.

Sant Paulus hat das Euangelium von Christo gelernet vnd
gewißt / das der hymlich vatter / sein eingebornen son gesant hat
das er mensch wurde / vnd als für vnser sünd sturbe / sünd bezalet
tod vberwunde / vnd vns from vnd selig machte / das hat S. Pau-
lus in seinem hertzen fürwar gehalten / vñ sich durch Chustum de
ainigen nütler vñ versöner auff gott / als auff seinen lieben vatter
verlassen in allen nöten / vñ nit zweyffelt / sein sünd seyten im schō
verzigen vñ Chustus willen / der selb Chustus war got vñ mensch
sey nun yetz sein aigen außlautter gnad gottes / das er geporen ist /
den tod des creüßs erlitten hat / wider aufferstandē / zur rechten
gotes erhöcht ist / das habe er als ime zu güt gethon / das er in da
mit frey ledig vñ loß habe gemacht von der sünd / vom tod vñ der
helle / von des teuffels gewalt vñ dem strengen gericht gottes / dz
er ein gewisser erb sey des ewigen lebens / die weyl er ein kind gotes
ist / vnd got sein lieber vatter der in leiblich vñ geistlich zeitlich vñ
ewiglich beschyrmē will vnd im alles güt thon / vmb Chustus

willen
ben Ch
bin ich
gen mi
verdien
vnd sich
Christl
stus sey
seche de
glaubst
wille / t
wie obe
als ein
einem a
get vest
vns gel
vnd erl
von im

Dies
des heil
Ephē.
Johan
grosed
dem w
forcht /
dann in
tig / fro
ainigt a
eigam /
Do wil
le ding
hell ver
fromite
ewig w
in Chri
traven

willen seins lieben sons / in den er glaubt vñ durch den selben glau-
ben Christum für eigen vberkommen hat / das er mag sagen / Nun
bin ich schon selig in der hoffnung / weder sünd / tod noch hell mü-
gen mir schaden / nit das ich solche groß ding verdient hab / oder
verdienen müg / sonder das mich nun Christus für sein glid erkent
vnd sich mein annimpt wider alle meine feind Das ist der rechte
Christlich glaub / den die schrift erfordert / das du glaubest Chri-
stus sey für dich auch gestorben / als wol als für Paulum / vnd got
secheden selben verdienst Christi an / vnd die weil du in Christum
glaubst / wolle er dir alle dein sünd vergeben / vmb seins sons Cristi
wille / der für dein sünd gestorben ist / Der glaub schwanckt nit /
wie oben des gleyßners won / Er halt hoch von got / er fürcht got
als ein allmechtigen herren / er vertrauet sich im sicherlich / wye
einem allmechtigen vatter / Er halte in für warhafftig / vnd han-
get vest angottes zusagung / Vnd die weil got / sein son Christum
vns geben hat / das er vnser weyßheit / gerechtigkeit / heyligkayt
vnd erlösung sey / so nympt er Christum also an / vnd laßt sich nyt
von jm abreyssen.

Disen glauben wirckt got in vns / durch sein macht vnd krafft
des heiligen geists / domit er Christum vom tod aufferweckt hatt
Eph. 1. Der zeuchet vñ wendt das glaublos hertz zu Christo /
Johan. 6. Wir berümen disen glauben billich / die weyl er solch
großeding wirckt / vnd in jm hat / Er erfüllt allein das erst gepot /
denn wo glauben in Christum ist / da ist vertrauen in got / gotes
forcht / lieb vnd hoffnung / Da wirdt got recht für gott gehalten /
dann jm wirt die eer geben / das in der glaubig halt für warhaff-
tig / from vnd gerecht / vñd helt sich an sein wort / der glaub ver-
ainigt auch den glaubigen mit Christo / Wie ein braut dem bräu-
tigam / wie diß geheimnus anzeugt wirt. Hosee. 2. vnd Eph. 5.
Do wirt der glaubig ain lebendig glid Christi / ein kind gottes / als
le ding werden jnen gemain / da muß des glaubigen sünd / tod vnd
hell verschwinden vor der vnüberwintlichen ewigen allmechtigen
fromkeit Christi des gemahels / vor dem rechte leben Cristi / der dz
ewig wort ist des vatters vnd das leben selbs / vor dem ewigē heyl
in Christo / Das also in krafft des glaubens odder lebendigen ver-
trawens in Christum / der glaubig frey ledig vnd los wirt von als

len sünden/sicher vor dem tod/erlöset/von der hell/vnnd wirt be-
gabt mit der ewigen gerechtigtaytt/mit dem ewigen leben vnnd
seligtait seines breutigams Christi. Auß wölichem allem volgt/
das man recht sagt/allain der glaub in Christum macht fr om vñ
selig. Der glaub inn Christum ist ein wercke gottes/ So spricht
dann die weyßheit des flaischs/es sey kezerey vnnd yrrthumb /
Dann man mache faul volck vnd verschupffe die gükten wercke /
man vertrucke die gebot gottes.

Der gegenwurff geschach auch zur zeit Pauli / do er den glau-
ben rümpf / sagt / der glaub machte fröm on werck / Aber er / Ant-
wort / Rom. 3. vnd spricht / Wie heben wir denn das gesez auf
durch den glauben / das sey ferne von vns / sonder wir richten das
gesez auff.

Also sprechen wir / Wer redt / das wir güte werck verbiethen /
verachten oder verhindern / oder die gepott gottes aufheben / der
waist nit / wie man die gepott kan vnd sol erfüllen vnd widersprü-
cht dem heiligen geist / Dann eben darumb reden wir so offft vnnd
löblich vom glauben in Christum / das wir gern wolten yederman
dahin bringen / das man rechte güte werck möchte thon / vnd re-
cht in gots gepott wandeln / Wöliches warlich on den glauben
vnmöglich ist / Derhalb Christus auff die frag von gükten werckē
recht antwort / Dann er leeret das recht hauptwercke / darauff
alle güte wercke fließenn / vnnd wo es nicht vor her gehet / do
ist alle leer von gükten wercken vergeblich / dann es ist sünd was
aufferhalb des glaubens gewirckt wirt / es schein wie gut es wöl-
le. Wenn aber der glaub in Christum zu gegen ist / So bringt er
mit sich / was zum Christlichen leben gehört / erfüllung des gesez /
güte werck vnd alles güts / das vernym also / vnnd erkenne die
rechte ordnung des glaubens vnd der werck in irem ampt.

Wann man Christum predigt im Euangelio / so lert man zwey
stück / Das erst ist büßfertigtait / das man durchs gesez lert sünd/
vrtail vnd zorn gottes erkennen / darauff socht vnd zytternus der
gewyssen erweckt wirt / wie dann geschach Actu. 2. Da Petrus
den Juden ire sünd anzeigt / wie sye den waren Messiah hetten
gecreüzigt / als bald erschracken sy von hertzen vbel / vñ begerten
gnad. Zum andern / leert man Ablass der sünd im namen Christi /

vnnd be-
den ai-
es wyl-
mache

Wo
durch
laub ist
in Chri-
tes / do
den he-
geist g
Rom.
Geist/
heylig
die rech

Wo
noch l
gen / da
darynn
vbersch
deinet
sicht zu
en vatt
hertz m
vmb de
kanstu
ben vnt
ander n
socht d
ein laut
ste in C
recht gi
ist / als
im nich
ben / das
nem aig

vnd bringt Chriftum den ellenden erschrocknen Consciengen/alls
den ainigen arzt/der alle vnser sünd bezalet hat/vnd umb wölich
es wyllen got die sünd will verzeyhen vnd kinder gottes auß vns
machen.

Wo man nun diser predig/glaube vom Chriſto/wie wir schon
durch den tod Chriſti/got dem herren verſonet ſeyen/der ſelb ge
laub iſt/ein lebendige fröliche züuerſicht auff ſoliche gotes gnade
in Chriſto geſchenckt/vnd macht auß den glaubigen ein kind got
tes/do ſeind alle sünd verziget/Jo. 1. Gala. 3. Zü gleich gibt got
den heiligen geiſt in das ſelbig glaubig hertz. Gala. 4. Der heilig
geiſt geüſſet lieb ins hertz/die ſelbig liebe iſt des geſetz erfüllung.
Rom. 5. 13. Wo nun der glaub nit iſt/da iſt weder heylig
Geiſt/liebe/nach güte werck/Wo aber glaube iſt/do kompt der
heylig geiſt/es brinnet dye liebe/es kommen güte werck/das iſt
die recht ordnung.

Wo aber einer güte werck will thun/der noch weder glauben
noch liebe hatt/der kert das hinder herfür/vnd will herauß zwin
gen/das nit dynnen iſt/Es müß zum aller erſt der glaub da ſein
darinnen du dein sünd vnd yammer erkennest vnd dagegen dye
vberſchwenclich barmherzigkait gottes inn Chriſto/der umb
deinet willen ſein ſon in tod gibt/do erwechſt ein troſtliche züuer
ſicht zü got/dē gewinſtu lieb/wie ein fröms kind ſein lieben trew
en vatter/also vberkommestu den kindergeiſt/der entzündet deyn
hertz mit dem ſewer der liebe/da wirt dir dein neben menſch lyebe/
vmb des willen dein liebſter her Chriſtus geſtorben iſt/als dann
kannſtu erſt recht güte werck thun/die von hertzen geen auß glau
ben vnd freyer lieb/wenn du on diſe lieb/alnüſen gibest/oder eyn
ander werck thüſt/ſo geets nit von hertzen/es geſchicht allein auß
ſorcht der pein/oder liebe des rühms/vnd belönung/darumb iſts
ein lauttere gleißnerey/vñ kein güte werck/wenn du aber deinē nech
ſtē in Chriſto liebeſt/das rürt des hertze grund/alls bald folgē dye
recht güten wercke/dann wann dir dein nächſter im hertz lieb
iſt/als ain glid Chriſti/vñ mitterb des ewigen lebens/ſo gönſtu
im nichts vbels/du ſtilſt im nichts/die liebe kann nit am hertz ha
ben/das du im ſchaden züfügteſt/ſa du gebeſt im ehe vonn deya
nem aignen güte/ee du im ain haller nemeſt/du ſchmecheſt im we

der weib noch kind / Ja es were dir von hertzen leyd / wo solliches
ein anderer thet / du hast kein lust jne züschlafen / oder an leib / eer
vnd gut zü belaidigen / Ja du wurddest mit hend vnd füßen werē
wo jm solchs von andern widerfüre / Kurtz die liebe thüt dem ne-
chsten nit vbel / sonder eytel güts / das ist jr art / ad Roma . 13.
1 Corinth. 13. Darumb merck die ordnung / Glaub / Liebe / gü-
te Werck / also geen sy nach ein andern / vnd lasß dir dise ordnung
nit verkeren / dann güte werck könden vnd mögen nit geschēhē
one glauben vnd liebe / Wo der Glaub ist / da wirdt der mensch
gleich ein kind gottes vnd empfecht den heiligen geist sampt sey-
nen gaben Liebe / Hoffnung / gedullt / Die weil nun der glaub das
hertz / den brunnen der werck reinigt vnd andere tugenden mit
sich bringt / vnd on den glauben Christus nit angnomē / erkent /
der heilig geist nit gegeben wirt / vnd kain liebe im nechsten ist /
so kan nun ein yeder Christ wol mercken / Warumb Christus den
glauben ein werck gottes nennet / das auch der glaub die güten
werck mit jm bringt / dann er wirckt durch die lieb Gal. 5. Der-
halb wann man von güten wercken will reden / oder güte werck
zū thun fürnemē / muß zumaller erst der Glaub da sein / Dadurch
der mensch gut vnd reyn werde / der heilig geist empfangen vnd
Liebe eingegossen werde / sonst ist alles vergeblich. Das ist
vns er leer vom glauben vnd wercken / das der glaub zum erkenn-
den menschen fromm macht / Darnach kan der fromm mensch from-
me güte werck thun / Werck machen den sündler nit fromm / Dye
weil er ein sündler ist / thüt er werck gleich wie er ann im selbs
ist / böß ist er / darumb thüt er böße werck / were er gut so thete er
güte werck / Wiltu güte werck von jm haben / so mach ihn zum
erst gut / sonst ist al dein lerē / ermanē / nöten / zwingen vñ dingen
vmb sonst. Wie muß man aber den sündler gut machen ?
Warlich du müß am hertz anfahen / das es gereinigt vnd gut
werde / das kanstu nit wercken nit thun / Der heilig geist müß
das hertz verwandeln vñ reynigen durch den glauben. Jhes. 11
Actu. 15. Wann dann der glaub andere gedanken wyllen vñ
begyrd macht / das du ein ander mensch bist wordenn / Als dann
sachest du an newe wercke thon / dann du bist ain newer mensch
worden / dann lasß dirs gesagt sein / wie ein yeder ist an ihm selbs /

also /
lest du
Be
sünder
Euang
ten vñ
vms d
mercke
wir du
vnd ro
vms G

also /wirckt/ redt vnd thüt er /Wandlest du die person/ so wand-
lest du daz werck /lastu person bleiben/ so bleibt das alle werck.

Bey diser prob des Christlichen glaubens /mögen wir armen
sünder sehen /wie grossen mangel wir noch haben an dem rechtē
Euangelischen glauben /Derhalb sollen wir allweg mit ernst bit-
ten vnd zū Got rüffen /Wie die Junger Luce. 17. Herr meere
vns den glauben /Es soll auch ein yeder fleysig auff sich selbs
mercken /wie es vmb sein hertz stee des Glaubens halb /auff das
wir durch ansehen vnser grossen mangels am rechten Glauben
vnd warer lieb /zū ernstlichem gebett bewegt werden /Das helff
vns Got durch Christum vnsern Herren /Amen.

llliches
leib/ eer
n werē
dem ne
t. 13.
ebe/ gü
rdnung
schēh
mensch
mpf sey
ub das
en mit
erkent/
ten ist/
tus den
gütten
. Der
te werck
adurch
en vnd
Das ist
erstenn
h from
n, Dye
m selbs
hete er
hn zum
dingen
n s
nd gütt
ist müß
hes. 11
llen vñ
s dann
mensch
n selbs/

Faint, illegible text, likely bleed-through from the reverse side of the page.



ter
er
te
keit
on
ch
der
che
igt
yfe
ent
der
die
nuff
acht
rch
mpel
gkeit
und
yre
ob in
sein
o de
dur
reyg
etner

rum
Q
m
auf
abt
16. 11.
A r.
ular
a. 5.
no
l
e a
on
16. 11.
12.
L
s
der
bu
dra
1
ut
m
li.
am
dir
ul
l
ul
1
11

✓







3
Stadt...

625

1012









leybs vnd
gottis lob/
ren glaw-
tags nach

nutt von
enberg.

29.



29

